



GIUSEPPE CABIZZOSU

BIBLIOTECA

www.giusepecabizzosu.it

Luigi Demurtas
(Ulassai 1917 - Buenos Aires 1987)

**Poesie scelte
in lingua sarda**



GIUSEPPE CABIZZOSU
BIBLIOTECA
www.giusepecabizzosu.it

Luigi Demurtas

(Ulassai 1917 – Buenos Aires 1987)

Poesie scelte
in lingua sarda



GIUSEPPE CABIZZOSU
BIBLIOTECA
www.giusepecabizzosu.it

Luigi Demurtas

(Ulassai 1917 – Buenos Aires 1987)

Di Ulassai. Detto *Luigino*, nato ad Ulassai il 10 gen. 1917 e poi emigrato in Argentina dove è deceduto il 22 mag. 1987.

Aguri per nozze d'oro

(Demustas Luiginu – Ulassai - 1986)

Certamente mi palpitad su coro
Solu a ischire chi sezis festantes
Pensende in sos passados istantes
Festemde sa nozzas de oro

Est eternu su mirtu e s'alloro
E su caminu de sos caminates
Siad eterna sa gioia 'e sos amantes
E su tempus a bennere unu tesoro

Sos chimbant'annos de affettu
Andados de sa vida in su caminu
Sigana cun amore e cun rispettu

Custu est de sa vida su destinu
Mirende sa famiglia cun diletto
Sa sorte bos aggiue continu.

Auguri per nozze d'argento

(Demustas Luiginu – Ulassai - 1986)

Candu sas manos si ponene a tessere
Gioinde de faghene un'iscultura
Pensana de sa vida in s'ermosura
De su destinu in manu a bi resessere

S'avvenimentu 'e oe deved'essere
Unu regalù fattu 'e sa natura
Diniende ogni umana criadura
De tantos annos de gioia e benessere

Sos chinbe lustros chi azis passadu
Iscultende sos palpitos de amore
De affettu pensende 'e sos ammentos

Sighide in su caminu cuntentos
Cun s'allegria chi cura su dolore
E tenzades su tempus disizzadu.

Perria caru

Demurtas Luiginu (Aboru)

Perria caru, sa cantada mia
In coro tou si podes accetta
Comente a un'amigu genuinu
Oe ca so in su monte ogliastrinu
So che Coclite in su ponte eroe
Ca in su monte ogliastrinu so oe
So eroe che Coclite in su ponte
Oe ca so in s'ogliastrinu monte
Inue torradu su podere antigu.

Perria caru, sa cantada mia
In coro tou si podes accetta
Comente a unu genuinu amigu.

Su donu 'e su coraggiu est un'obbligu
Si naru ca ses bonu e ses saggiu
Est obligu su donu e su coraggiu
Si naru ca ses saggiu e i ses bonu
Est obligu 'e su coraggiu su donu
Pro chi es de natura intelligente.

Perria caru, sa cantada mia
In coro tou si podes accetta
De unu amigu genuinu comente.

Ses riccu de onore possidente
Su coro de amore no as siccu
Possidente de onore ses riccu
Non as siccu su coro de amore
Ses riccu possidente de onore
Eo ti rendo cantu t'ispetta(d).

Perria caru, sa cantada mia
Comente a un'amigu genuinu

In coro tou si podes accetta.
Deo canto ma non so poeta
E mancu 'e cussu vantu mi recreo
Canto ma non so poeta deo
E mancu mi ricreo 'e cussu vantu
Deo non so poeta ma i cantu
E posso biasimare e dare lodes.

Perria caru, sa cantada mia
Comente a un'amigu genuinu

In coro tou accetta si podes.

Però cherzo chi sempre t'arregodes
De su chi ti offerzo a bonu coro
Cherzo chi sempre t'arregodes però
De su chi a bonu coro i ti offerzo

Chi sempre t'arregodes però cherzo
De su tempus passadu che s..oro.

Perria caru, sa cantada mia
Comente a un'amigu genuinu
Accetta si podes in tou coro.

In su chi potto onorare t'onoro
Pro cambiare un'istintu dottu
T'onoro in su chi onorare ti potto
Pro un'istintu dottu cambiare
T'onoro in su chi ti potto onorare
E ti mando saludos de parte mia.

Comente 'e un'amigu genuinu
In coro tou si podes accetta,
Perria caru, sa cantada mia.

Chi s'incontramus in terra nadia
No ad'esser una perra chi buffamus
Si in terra nadia s'incontramus
Buffamos chi non ad'esser a una perra
Si s'incontramus in sa nadia terra
Arrivamus a fundu a sa carrada.

Comente a unu amigu genuinu
In coro tou si podes accetta,
Perria caru, sa mia cantada.

Si dda feus a prou una buffada
Buffaus binu becciu o binu nou
Si dda feus un buffada a prou
Binu nou o becciu buffamus
A prou una buffada si dda feus
Ad'esser a Deus a bi ponner riparu.